



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 77. Principes atque Illustres hoc anno denati.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

millia in agmen fuere contracta, sed Sæc. XVIII.
 etiam Cæsaris copiæ ex Hungaria in A. C. 1718.
 Belgium penetrarunt, dissipatis rebel-
 libus tranquillitas reddita est. Deni-
 que periculosa conjuratio in vitam
 Georgii Angliæ Regis conflata feliciter
 detecta est; quidam enim fanaticus ju-
 venis vix octodecim annos natus no-
 mine Jacob Shepheard natione Anglus,
 ab Ormo Prædicante seductus, cujus-
 dam Pastoris nomine Leack, qui im-
 positum fidelitatis juramentum præ-
 stare renuerat, ancillæ literas dedit,
 in quibus hic furcifer significabat, sibi
 firmum deliberatumque esse Regem sua
 manu trucidare. Pastor perlectis hisce
 literis sibi ferales insidias strui veritus,
 rem Joanni Treyard Equiti, & hic
 Londinensis Magistratus Præfectis de-
 texit: innox ergo horum jussu compre-
 hensus, crimen ultro factus paulopost
 unacum præfato Ormo aliisque qua-
 draginta aliis conjuratis extremo sup-
 plicio damnatus est.

§. LXXVII.

*Principes atque Illustres hoc anno
 denati.*

Vario mortis genere Principum non Merc. Hist.
 pauci hoc anno æternitatis viam April. p. 360.
 ingressi sunt, & quidem inter hos fe- Maj. 440.
 ralem Jul. p. 34.

Sæc. XVIII. ralem oppido memoriam reliquit infe-
 A. C. 1718. lix Princeps Alexius primogenitus Pe-
 tri Magni Moscoviæ Ducis Filius. Hic

Hist. cont.
 l. 16. p. 45.

juventa ferox in prærupta voluptatum non tam currens, quam ruens vitam tanto Principe indignam agebat, ac paternæ correctionis impatiens infcio Patre suo Viennam ad Cæsarem profugit, caussatus, se a Patre suo non modo crudeliter vexari, sed & solii jure & vita spoliari: quocirca Kuffsteinium velut securitatis portum delatus, postea Neapolin secessit, inde vero ineunte Mense Octobri Romam nemine cogitante ingressus, in Cardinalis Paulucii Palatio excipiebatur: Die tertia Novembris eodem Cardinale & Carolo Albano Duce comitantibus Basilicam & Palatium Vaticanum, nec non Ecclesiam Liberianam & Lateranensem invisit, ubi dentem S. Hieronymi, quem pari cum Russis origine ortum dicebat, venerabundo profecutus est osculo. Interim Petrus ejus Parens degenerem Filium suum Romæ morari ab Alexandro Ruemansdorff prætorianæ militiæ Tribuno edoctus, Tolstoyum Secretarium suum eo ablegabat, ut Principem nulla mora Petroburgum reduceret. Hic ergo die nona Novembris Romam advenit, ac biduo post inde discedens cum Principe Alexio

Sæc. XVIII.
A. C. 1718.

Alexio die quarta Januarii Custrinum, ac tandem die vigesima prima Februarii Moscoviam venit: Eadem adhuc die Princeps cum suo Patre longum habuit colloquium, habitoque Senatu die vigesima quarta ejusdem Mensis omnes præfidiarii milites arcem cingere, cunctique Regni Proceres in ejusdem arcis Aula, omnesque Ecclesiastici in Ecclesia Cathedrali convenire jussi sunt: paulopost Alexius Princeps inermis & pedes coram suo Patre producitur. Hic Filio literas, in quibus cuncta ejus crimina longa serie descripta continebantur, tradidit, quibus a Schaffiroso Pro-Cancellario perlectis Princeps lacrimis diffluens, atque in genua provolutus vitæ gratiam petiit, quam ei Pater concessit, ea tamen lege, ut manifestatis iis, qui nuperæ a Regno fugæ consilium suggessissent, pro se suoque Filio Alexiowitio in omnia Regna ac Provincias successionis juri nuntium in perpetuum mitteret, suamque renuntiationem scriptotenus confirmaret, quo facto omnes Regni Proceres ac Ministri hunc successionis incapacem, legitimum vero Imperii successorem esse Petrum secundo genitum Ducis Filium juramenti religione profitebantur. Soluta hoc conventu Dux ceterique omnes ad Cathedrali processere, ubi pariter

Hist. Eccles. Tom. LXIX.

D d d riter

Sæc. XVIII. A. C. 1718. riter omnes Ecclesiastici præfato juramento sese obstringere, omnesque Parochi Ducis declarationem in Ecclesiis e suggestu notam facere jubebantur: juvenis vero Princeps in quodam Monasterio quatuor leucis distito captus detinebatur: cum vero hic ad Euphrasinam suam pellicem literas dedisset, in quibus a sua captivitate evadendi modum eidem manifestans, se ad Megapolitanum Ducatum secessurum significabat, ut Moscovitis ibidem castra metantibus in suas partes pellectis rebellionem concitare, Patremque suum throno & vita exuere posset, interceptis hisce literis Dux Filium suum de perduellionis, læsæque Majestatis crimine convictum ex omnium Procerum, Ecclesiasticorum, & civilis ac bellici Senatus judicio mortis reum pronuntiavit: Feralis hæc sententia die quinta Julii Alexio Principi denuntiatur, qua percepta totis artibus contremiscens apoplexia tangitur, adhibitis tamen medicamentis biduo post convalescens, mox coram Patre suo, qui unacum Principe Menzikovio eum inviserat, in genua procubuit, ac sententiam in se jure latam professus, delicti veniam perdemisse petiit, cui etiam Pater in mutuos amplexus ruens inter uberrimas utrinque lacrimas libentiss.

bentissime omnia hucusque perpetrata **Sæc. XVIII.**
 condonavit, ac dolore paternum pe- **A. C. 1718.**
 ctus laniente secessit: Ejusdem diei
 hora quinta vespertina Princeps misso
 ad Patrem Tribuno rogavit, ut rursus
 illum visum ire dignaretur: nulla mora
 Pater accedit, ast in via constitutus,
 Filium suum jamjam expirasse, nun-
 tium accipit, quem etiam in feretro
 publice expositum in Templo SS. Tri-
 nitatis sepeliri jussit, & Principem Dol-
 horuckium, qui tamen proxima die
 Dominica mortuus est, Principem Mi-
 chaelem, ejus Fratrem & Abrahamum
 Loupouchin unacum uxoribus & filiis
 suis in perpetuos carceres, proscriptis
 omnibus bonis detrudi, alios vero hujus
 perduellionis reos ignibus vivos com-
 buri, aliisque immanibus tormentis
 puniri præcepit.

Ceterum infelix hic Princeps An-
 no 1690. ex prima Petri Ducis Con-
 jugæ Eudoxia Loupouchini Filia a suo
 Marito in Monasterium detrusa natus e-
 rat, atque uxorem duxerat Carolinam
 Christianam Sophiam Ludovici Ru-
 dolphi Brunsvicensis Ducis Filiam, ex
 qua die vigesima tertia Octobris anno
 hujus sæculi decimo quinto in puer-
 perio octavo post die mortua Alexio-
 vicium suscepit.

Ddd 2

Ma-

Sæc. XVIII. Magis glorioso fato vivis ereptus
 A. C. 1718. est die undecima Decembris Carolus XII.

*Shmaus-
 sen vit.
 Carol. XII.*

Sueciæ Rex Princeps magnanimus ac
 bellicosus, sed magis temerarius, quam
 cautus, ac postremis annis haud vul-
 gare novercantis inconstantisque for-
 tunæ ludibrium, juratusque Romani
 Imperii hostis. Hic post interneccinam
 suorum cladem, & post quinquennale
 exilium Stralsundam reversus, quietisque
 impatiens Daniæ Regem bello aggres-
 sus est: ast Friderici-Hallensi obsidioni
 intentus, dum aggeri inclinatus Urbis
 situm explorabat, globo petitus perit.
 Ejus mors per novem dies celabatur,
 qua tamen patefacta Sueci relictis ca-
 stris & obsidione aufugerunt.

Hoc item anno die septima Maij
 sexagenaria in oppido S. Germani in
 Laya decessit Maria Beatrix Jacobi II.
 Angliæ Regis Vidua: Post ejus obitum
 Angli falso in vulgus spargebant, quod
 Beatrix anxii conscientia curis agi-
 tata postremis vitæ suæ horis falli-
 effet, quod Jacobus III. non nisi supposi-
 titius esset Filius: Verum hæc a male-
 volis per summam calumniam divulgata
 esse, nemo erat, qui ambigeret. Cete-
 rum Pontifex die vigesima quinta Maij
 datis literis ob hujus Reginae obitum
 Jacobo ejus Filio Angliæ Regi sum-
 mum dolorem testabatur.

Obiere

Obiere in super die vigesima quarta Sæc. XVIII.
 Junii Princeps Ludovicus Fridericus A. C. 1718.
 Schwarzenburgo - Rudolstattensis, die
 vigesima secunda Augusti Henricus Au-
 gustus Princeps Nassavio - Dillenbur-
 gicus, annos natus octodecim; die
 octava Novembris Carolus Princeps
 Anhaltino - Servestanus; Victor Ama-
 dæus Princeps Anhaltino - Bernburgi-
 cus annos natus octoginta quatuor,
 Julia Princeps Albani Cognata summi
 Pontificis Pefari mortua, Romæ vidua
 Princeps Chigia, Londini Meinhardus
 Dux Schombergius, Emanuel Fride-
 ricus Ducis Saxo - Hilpershusani Filius,
 Margaretha Farnesia Mutinensis Ducis
 Vidua, Bruxellis ex morbillis Maria
 Theresia Ducissa de Pignatellis, Vien-
 næ septuagenarius Franciscus Pacchie-
 cus Dux de Uceda; Neostadii Fran-
 ciscus Comes de Bucheim ultimus suæ
 familiæ, Neostadiensis Episcopus, Lu-
 dovicus Ernestus Dux Brunsvico - Be-
 veranus, Mauritius Dux Citiensis,
 Friderica Ducis Saxo - Gothani Filia,
 & Month Aly Præfectus Reipublicæ
 Algeriensis, cui successit Mahomet
 ejus Thesaurarius.